

Broj: 10-02-3-1438-4/16
Sarajevo, 14. 07. 2016. godine

Na osnovu člana 12. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12 i 6/13), te na osnovu člana 10. stav (2) Zakona o budžetu institucija Bosne i Hercegovine i međunarodnih obaveza Bosne i Hercegovine za 2016. godinu („Službeni glasnik BiH“ broj 101/15)

Ministarstvo za ljudska prava i izbjeglice Bosne i Hercegovine objavljuje

JAVNI POZIV

za dodjelu grant sredstava za podršku izgradnji partnerstva između nevladinih organizacija i nadležnih institucija za provođenje Konvencije o prevenciji i borbi protiv nasilja nad ženama i nasilja u porodici u Bosni i Hercegovini za 2016. godinu

I Predmet i cilj Javnog poziva

Predmet i cilj Javnog poziva je davanje podrške za izgradnju partnerstva između nevladinih organizacija i nadležnih institucija za provođenje Konvencije o prevenciji i borbi protiv nasilja nad ženama i nasilja u porodici u Bosni i Hercegovini.

II Raspoloživa sredstva

Sredstva u iznosu od 50.000,00 KM osigurana su tekućim grantom u okviru budžeta Ministarstva za ljudska prava i izbjeglice Bosne i Hercegovine.

Iznos koji se odobrava iz raspoloživih budžetskih sredstava može biti od 5.000,00 KM do 10.000,00 KM po projektnom prijedlogu.

III Pravo na apliciranje

Pravo na apliciranje ima pravno lice neprofitabilnog karaktera registrirano u BiH u skladu sa važećim zakonskim propisima nevladina udruženja, registrirana i sa sjedištem u BiH koja se prioritetno bave pitanjima prevencije i borbe protiv nasilja nad ženama i nasilja u porodici.

Podnosioci projektnih prijedloga mogu aplicirati sa više projekata, ali sredstva mogu biti dodijeljena samo za jedan projekat.

IV Obavezna dokumentacija i način dostave

Podnosilac projektnog prijedloga za dodjelu grant sredstava obavezan je dostaviti sljedeću dokumentaciju i obrasce:

- a) Obrazac projektnog prijedloga - *Obrazac I Smjernica*;
- b) Plan aktivnosti - *Obrazac II Smjernica*;
- c) Budžet projekta - *Obrazac III Smjernica*;
- d) Logički okvir - *Obrazac IV Smjernica*;
- e) Podaci o podnosiocu projektnog prijedloga - *Obrazac V Smjernica*;
- f) Uvjerenje o poreskoj registraciji i ID broj (*ovjerene kopije*);
- g) Ugovor s bankom o otvaranju transakcionog računa (*ovjerena kopija*);
- h) Statut (*ovjerena kopija*).

(2) Pored navedenog, potrebno je da nevladine organizacije i udruženja dostave i sljedeću obaveznu dokumentaciju:

- a) Rješenje o registraciji (*ovjerena kopija*);
- b) Bilans stanja za prethodnu godinu (*ovjerena kopija*);
- c) Bilans uspjeha za prethodnu godinu (*ovjerena kopija*);

Obrazac Projektnog prijedloga je moguće preuzeti u prostorijama Ministarstva za ljudska prava i izbjeglice BiH, a dostupan je na stranici www.mhrr.gov.ba.

Navedena dokumentacija se putem pošte u zatvorenoj koverti dostavlja na adresu:

Ministarstvo za ljudska prava i izbjeglice BiH,

Trg BiH broj 1,

71 000 Sarajevo,

sa naznakom „JAVNI POZIV – za dodjelu grant sredstava za podršku izgradnji partnerstva između nevladinih organizacija i nadležnih institucija za provođenje Konvencije o prevenciji i borbi protiv nasilja nad ženama i nasilja u porodici u Bosni i Hercegovini za 2016. godinu. Ne otvaraj!“. Na poleđini koverta navesti naziv/ime i prezime podnosioca, tačnu adresu i kontakt telefon.

V Rok dostave

Rok za dostavu prijava na Javni poziv je 21 dan od dana objavljivanja na web stranici Ministarstva za ljudska prava i izbjeglice BiH.

Neblagovremene prijave i prijave s nepotpunom dokumentacijom neće biti predmet razmatranja.

VI Procedura

Odabir korisnika granta, odnosno odabir Projektnih prijedloga vrši Komisija za odabir korisnika grant sredstava imenovana na prijedlog Ministarstva za ljudska prava i izbjeglice BiH.

Komisija za odabir korisnika grant sredstava pregleda prijave u cilju eliminiranja nepotpunih i neblagovremenih prijava, nakon čega pristupa proceduri odabira korisnika granta.

Nakon završene procedure iz prethodnog stava, Komisija sačinjava Prijedlog odluke o odabiru korisnika pomoći, odnosno, projektnih prijedloga i dostavlja Ministrici za ljudska prava i izbjeglice BiH.

Odluku o odabiru korisnika granta, odnosno, projektnih prijedloga donosi Vijeće ministara BiH na prijedlog ministrice za ljudska prava i izbjeglice BiH.

Ministarstvo za ljudska prava i izbjeglice BiH će objaviti rang listu na web stranici Ministarstva i obavijestiti sve aplikante o rezultatima odabira projektnih prijedloga.

VII Kriteriji za vrednovanje projektnih prijedloga

Prilikom razmatranja projektnih prijedloga Komisija će vrednovati sljedeće:

1. Relevantnost projekta
2. Kvalitet i logika projekta
3. Budžet projekta
4. Administrativni i finansijski kapaciteti podnosioca prijave
5. Dodatni kriteriji
6. Održivost projekta

Sve dodatne informacije moguće je dobiti na broj 033 209-761

